

香官使者左右龍虎君侍香諸靈官當令臣  
早朝建齋之所自然生金液丹碧芝英百靈  
衆真交會在此洞案爐前令臣學道得道求  
仙得仙齊官獲福顯沾恩十方仙童玉女  
侍衛香煙傳臣向來所啓之誠速達徑御

太上無極大道

三清上聖

昊天玉皇上帝御前

出堂頌

詣師堂

謝師

靈寶領教濟度金書卷之一百八十五

靈寶領教濟度金書卷之一百八十六 拱五

洞微高士開光教苦真人寶金具授

靈寶通玄私教水南先生林靈真編

科儀立成品清災集福

午朝行道儀

法事陞壇如式

各禮師存念如法

宣衛靈呪

丹靈朱火 災霞激風 赤輪剛運 天光八衝

逆威包羅 交變萬方 流金豁落 群魔滅蹤

辟奸破妖 明耀元功 金符召制 躡雲策龍

謹歌慶會 散花太空 神化明運 四極安隆

伏御帝前 罔有不恭與道合真

鳴法鼓二十四通

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝真符直日香官各三十六人出出者嚴裝

顯服冠帶垂纓闌啓玄壇天帝神君當召此

間土地方域神真臣今午朝行道謹奉為入

意其諸丹相具載絨膝願得

太上十方正真道炁靈寶瑞光下降流入臣

等身中令臣所啓速達徑御

至真無極大道

三清上聖

昊天玉皇上帝御前

請稱法位

具位奉行消災集福道場法事小兆臣某與

臨壇官衆等謹同誠上啓

太上無極大道虛無自然元始天尊太上王

晨大道君靈寶天尊太上玄元老君道德天

尊昊天玉皇上帝勾陳天皇大帝北極紫微

大帝奉天效法后土皇地祇神霄九宸上帝

諸天天尊上帝丞相宰輔帝君上清列曜諸

垣帝座拱極高真消災散禍扶衰度厄益算

真君本命元辰照臨真宰祿元馬元壽元尊

神三元三官大帝法主四聖真君啓教宗師

侍宸仙衆天雷霹靂諸司官將玉童玉女歲

德尊神城隍祀典主執靈祇三界應感一切

真靈臣聞碧落垂芒玉宇乍遐而乍通紫虛

耀彩金書或隱而或彰自清微御運於虛无故赤明開圖於混洞風纏雲絡羅洞輔之希夷月鑲水裁贊樞衡之微妙文五千而上乘道備劫四萬而下教期遙自生神啟瓊闕之藏故度命燦金房之秘惠覃幽顯澤貫玄黃臣等委質芝壇承符楓陛退思補過期上契於天心進勵圖功庶下符於民欲凡有投告敢不聞聞

宣詞

按如詞旨備極翹勤齋主某夙植慶基幸達昌運念禍福由己寧无謀身謀家之緣而視聽自民願登三德立功之悃庶憑一善膺滌千非若稽雲錦之瑤圖式覽紫微之瓊韞上極无上天靈神宴御於虛皇高拱彌高聖真仙統承於元始策慈威則六天辟斥散慧光則九地朗明內混雌雄回風混合靈之妙外符經緯非煙融御景之玄飯依密契於積祥尊禮必徵於福德聿嚴玄壇式衍丹科煙衆珠簾拱九華之寶御日籠翠華象七映之瓊林天花散而仙鶴翔翔鈞樂奏而祥鸞鼓舞

瑤光在上輅龍駕以低徊圭影上中蕭駕班而肆觀鬱動空浮於羽葆玲瓏景駐於霄輪彈壤蟻之微恭微鴻龐之大惠以今臨午行道請法衆等運茲初捨上香願此香煙騰空供養

虛無自然元始天尊臣等皈身皈神皈命首體投地仰依

太上三尊願以是功德上祝

皇帝陛下伏願八溟並福五鎮齊齡執大象以凝流化周坤軸御飛龍而履辰祥啓乾符車書拱北於仁風包羅朝東於受日儲官仁孝佐掖微柔膏露之吉士盈朝肅肅之正人間列共贊時雍之化咸扶大定之風回祝社稷先靈宗桃列聖芝房毓聖審圖遊神躡雲綱而汎赫踰流祥瑤祚擁霞光而飛鸞馭衍慶源源今故燒香自皈依  
道尊大聖衆至真之德得道之後保天長存和與道合真  
以今臨午行道請法衆等運茲二捨上香願此香煙騰空供養

玉晨道君靈寶天尊臣等皈身皈神皈命首體投地仰依

太上三尊願以是功德歸流齋主某伏願與道合真為善最樂乾乾不息勤符東德之機綿綿若存靜契參玄之蒼發天光於泰宇錫地累於靈扁五福朋來千祥萃止松茂栢悅珠星昭室家之宜芝秀蘭芳碧月煥階庭之瑞次奠九玄七祖億劫種親斷生死機滅去來相無想無結無愛永遂遐運有運有劫有年曷逃輪轉今故燒香自皈依

經尊大聖衆至真之德得道之後昇入无形和與道合真

以今臨午行道請法衆等運茲三捨上香願此香煙騰空供養  
太上老君道德天尊臣等皈身皈神皈命首體投地仰依  
太上三尊願以是功德皈流溥天率土徼外域中萬姓三軍百昌庶品並願地平天成河清海晏三農歲富野无鴻鴈之憂四鄙消烽朝有鳳凰之喜靜綠林於方域鞠育章於圖

靡祥湧醴泉瑞凝甘露進旂裘而敷禮樂舞  
日輝華變穹虛而襲衣冠先雲覆霄等三  
師四友天倪游泳帝社涵濡七返九還證玄  
功而作聖千和萬合乘靈運以飛神今故燒  
香自皈依

師尊大聖眾至真之德得道之後昇入元形  
和與道合真

禮方 懺方 命魔

步虛 三啓 三禮

重稱法位

具位臣恭謹同誠上啓

九清上帝十極高真天地靈仙三界官屬恭  
望洪慈俯回洞鑒臣聞勢莫方輿結六陰之  
博厚形凝圓幅融五濁之幽窅上承紫闕於  
雲層下配黑都於風澤五山鎮地瞻巍巍日  
觀之尊八海浮天仰縹緲煙瀛之大聖真星  
羅而調理網紀仙靈霜燦而統濟權衡是是  
非非易逃玉鑑善善惡惡豈藉水哉臣等小  
物無知大鈞有造心心覘化幸窺肘後之丹  
章步步駒馳莫論眼中之紅堦企木鶴而未

粹嘆芻狗而已陳曲荷玉成終承錦覆獲依  
光於日月伴迺責於雷霆誓贊生成庶符皈  
向今齋主某抗塵志切耽道誠周回首左執  
翕霍雙丸之棹擲驚心右磨等閭百慮之機  
鳴知非三省於夙興好善九思於明發願數

天澤庶毓民生肘步膝行登蟠坳而請命日  
馳心遡瞻龍座以皈神願消三際之塵俾絡  
一元之社伏冀真彩名真籍刊宇仙圖德星耀

彩於身躔素曜繼威於命宇祥開金井永蠲

經緯之災慶襲玉垣克絕陰陽之寇福祿壽

雲臻於履御玄元始日陰於躬行寃累乘晨

祖玄離夜奏瓊瓦鼓琴瑟樂事元垠敬絃誦

製箕裘家聲有耀凡經營於陽務悉依被於

陰休上願三極澄清五靈協奏儀璘煥耀草

木榮鮮來神龜天馬於林泉耀赤馬白麟於

郊藪家給人足民情騰擊壤之懼國泰民安

帝德照覆盆之穩溥鳥獸魚鱉以成若極山

川鬼神以攸寧則上明

天尊布大慈之化下副臣等伸懺謝之誠謹

啓以聞

發願

存神燒香

香官使者左右龍虎君侍香諸靈官當令臣  
午朝陞壇行道之所自然生金液丹碧芝英  
百靈眾真交會在此香火爐前令臣學道得

道求仙得仙齋官蒙福幽顯沾恩十方仙童  
玉女侍衛香煙傳臣向來所啓之言速達臣

御

太上无極大道

三清上聖

昊天玉皇上帝御首

出堂頌

謝師

靈寶領教濟度金書卷之一百八十六

七